

欽定剿平三省邪匪方略

欽定剿平三省邪匪方略正編卷一百六十一

庚申年

三月二十二日

甲戌

德楞泰奏言查渡江五股賊

匪

臣

於初次接仗時親見賊衆約有二萬餘人

連次斬獲者不過三千餘人皆係精壯馬步戰
手得力頭目是以各逆愈形畏懾川西一帶被
脅難民除附近州縣鄉村自行渙散回家不計
外其大小男婦自來投營請票者或一二百名

或三四百名口不等俱卽隨時曉諭撫慰給予
銀米路票伏思賊匪現在兩江之中無處奔逃
正是極好機會亟宜鼓勵兵勇趁其散亂迅速
剪除俾川西農民得以及時耕種臣旋卽帶兵

探蹤前進十三日丑刻哨探回報賊匪現在劍
州屬之李家坪土廟子楊村埡並佔踞石門寨
等語臣移營行至關帝廟遙見馬步賊匪三四

千人竟敢滿旗吶喊蜂擁前來迎拒當令阿哈
保侍衛墨爾歡保總管額亨特爾佐領安都保
副將倭星額叅將閔懷希帶兵由左手搶撲楊
村堽令賽沖阿溫春侍衛富森德副將馬瑜叅
將浦尚佐等帶兵進攻上廟子令阿穆勒塔總
兵李紹祖侍衛阿納保花品總管色爾滾富登
阿叅將沈慶春等帶兵進攻李家坪三路競進

賊匪並不接仗卽由喬店壩一帶敗逃經阿哈保阿穆勒塔等帶馬步隊緊跟追剿殺賊二百餘名賽沖阿溫春李紹祖馬瑜等分兵直抵石門寨之南北二門查石門寨南北圍長五六里兩邊俱係懸崖不能攀援該逆佔踞路徑悉力相持臣隨帶侍衛達勒精額薩寧阿塔什朗西相布法依富阿克什布都司劉彪張應貴守備

楊登魁等往來策應遍歷寨外瞥見寨西有一
角門路極陡仄盤旋可上賊亦稀少卽令賽沖
阿溫春李紹祖等督率兵勇將南北二門奮力
攻搶鎗礮轟擊使賊無暇密令遊擊馬濟都司
馬文斌等帶漢土官兵從右手溝底繞上西角
寨門大金屯外委森格爾甲首先扳上跳入寨
內手刃數賊衆兵砍開木柵一擁衝入賊卽潰

亂隨手剿殺賽沖阿溫春等兩門兵勇乘勝搶
上刀砍矛戳立殺賊匪千餘滾崖跌死者五六
百人生擒僞總兵李斌僞先鋒旗首探馬頭董
廷華等十七名活賊顏長佐張王氏等一千八
百六十七名口搶獲大小旗幟二百四十三桿
大礮三位鳥鎗一百二十四桿刀矛二千三百
二十一件馬騾六百八十餘匹頭內賊匪自行

戮傷者甚多寨內賊匪並無一名漏網該逆現
竄代亭廟若走香成寺係赴西充鹽亭之路或
奔思義場係赴南部蓬溪之路如由冉家壩東
嶽廟東竄卽係蒼溪大河邊當令兵勇跟探前
進研訊僞總兵李斌供稱我等連次打仗設計
埋伏俱被官兵打敗冉添元陳得俸被擒實在
無路逃奔知官兵跟來又要打仗大衆商量派

馬步戰手四千餘人到李家坪土廟子楊村壩一帶誘敵候官兵起來詐敗追過一半寨上人馬就好中間抄截不料把寨攻破寨內三千餘人都被擒殺等語隨將李斌等十八名凌遲梟首擒獲戰手李占魁等五百六十一名槩予誅其川西難民杜志李楊氏等大小男婦一千三百零六名口俱卽給予銀米路票各歸安業

惟陳郭氏一犯係首逆陳得俸之妻例應緣坐
且該犯身穿白衣旗上大書替夫報仇四字復
敢率衆拒敵實爲法所難宥是以一併正法查
各股賊匪除歷次剿殺及連日潰散外現在不
過萬餘人其勢較前大相懸絕茲又痛剿而逃
自必復形潰散現距大江不過數十里聞賊探
得水深難渡且隔岸俱經魁倫派有兵勇防守

卽江油潼河上遊一帶防兵現亦未撤江河間

阻於前

臣

帶兵緊追其後卽使奔走無非前經

蹂躪之地昨因該逆由百靈廟橫出恐竄南部

折而復西潼郡尤爲緊要當經飛札施縉并移

咨魁倫飭令該總兵帶領黔兵在潼川一帶遏

其西出之路並聞勒保帶兵將至劍州

臣

亦卽

札致令其直趨潼郡帶同施縉之兵迎頭截剿

設或賊匪徑由東窺

臣

再於本營派撥諳練將

領侍衛帶領得力馬步兵勇前去協同剿捕衆
能兩路兜截自可迅速集事至首先進寨之大

金屯外委森格爾甲實屬奮勇出衆當卽賞戴
藍翎以示鼓勵其打仗員弁兵勇受傷者不過
數十名容俟查明咨部辦理奏入

上命軍機大臣傳諭德楞泰魁倫曰此次德楞泰探

知賊情分路進擊攻破石門寨柵生擒僞總兵李
斌僞先鋒旗首董廷華等十七名及首逆陳得俸
之妻郭氏等殲斃賊匪千餘滾崖跌死者五六
百人並擒獲活賊顏長佐等一千八百餘名賊匪
向代亭廟一路窮竄所辦深爲可嘉德楞泰著加
恩仍授爲御前侍衛並賞給喜字玉搬指鑲松石
金盒瑪瑙鼻烟壺大小荷包其帶兵打仗奮勇人

員均著照所請分別加恩仍發去玉翎管堪達罕
搬指等件交德楞泰酌量分賞帶兵出力官員俾
其益加鼓勵現在剿敗餘匪不過數千德楞泰緊
躡追剿相距大江不遠隔岸俱經魁倫派兵堵禦
而江油潼河一帶亦俱有防兵愈逼愈窄且俱係
已經蹂躪之區賊匪亦無可掠食德楞泰務須倍
加奮勉乘勝進擊速將川西地方一律肅清再邀

恩賚至賊中著名逆匪徐添德尚未據查明下落
該犯爲起事首逆必須速行拏獲卽不能臨陣生
擒亦必須殲斃並驗明首級無使漏網稽誅德楞
泰一俟川西賊匪辦竣再移營兵渡江速赴川北
督剿各股竄匪不可半途而廢又留餘患至魁倫
係本省總督仍當駐紮潼川防守江岸不可卽赴
川北該處賊匪潰敗後難保無零星餘黨藏匿山

林倘見防江兵勇全撤或又乘虛潛出滋擾搜捕
又不免費力魁倫務須督率兵勇分段嚴防不得
稍有疎懈至現在川西難民合計大小男婦有一
千三百餘名殊爲可憫必當妥爲撫卹但人數衆
多其中恐不免有曾入白蓮教之人卽臨陣被擒
之戰手五百六十餘名亦難保無被脅難民在內
玉石俱焚原屬無可如何之事此時查出難民卽

曾經習教者亦可毋庸追究但必須隨時留心安插得所方可妥善良而靖反側至所調貴州兵其先到之三千名川西諒可無需此項兵力卽交勒保帶赴川北剿賊其續到之三千名著德楞泰卽遵照節降諭旨派令阿哈保李紹祖帶領去速赴陝省協剿以資得力再德楞泰此次所保帶兵各員單內有黑龍江藍翎領催蘇爾伸一員如卽係上

次射倒再添元之蘇爾伸仍照前旨行若另係一人卽照所請以驍騎校陞補至大金屯外委森格爾甲首先進寨殺賊奮勇出衆業經德楞泰賞給藍翎著再加恩以土千總補用

上諭內閣曰德楞泰請將軍營奮勉員弁懇恩鼓勵一摺著照所請二等侍衛額爾克巴圖魯薩寧阿藍翎侍衛德楞額俱著陞一等用其鑲黃旗獎賞

藍翎護軍校朱爾杭阿著補放三等侍衛吉林獎
賞藍翎領催長在著賞給伯起巴圖魯黑龍江佐
領達錫著賞給鏗色巴圖魯廣西平樂協都司張
應貴著賞給齊吉哩克巴圖魯四川維州協守備
馬元德著賞給庫齊特衣巴圖魯山東萊州千總
馬繼生著賞給西里德克巴圖魯仍照例每人各
賞銀一百兩吉林烏拉騎都尉承德黑龍江協領

邁昌阿俱著賞戴花翎吉林防禦獎賞藍翎富勒
渾著賞戴花翎盛京前鋒黑成吉林前鋒明山和
綉額薩凌阿領催德楞額巴圖魯保德黑龍江驍
騎校薩爾金保領催徹登薩凌阿德恒特富爾古
善馬甲烏里太富克金保托廓岱俱著賞戴獎賞
藍翎盛京獎賞藍翎前鋒色布星額吉林獎賞藍
翎馬甲阿畢達領催達通阿德什和勒清壽前鋒

博勒宏阿黑龍江獎賞藍翎領催富永阿福星領
催德雲牛楞額巴爾嘉布俱著賞給額外驍騎校
又單開遊擊李應元都司劉彪守備鄉勇頭羅思
舉知州鄒翰俱著賞換花翎守備畢萬年向春煦
俱著賞戴花翎千總熊敏謙黃鳳謝成貴把總高
星文葛遂楊正華裴日崇唐國振外委姜成龍楊
祿吳朝佐徐國順黎貴額外外委侯佐國馬兵卓

陞喻明遠劉文志黃廷貴胡廷瑞戰兵胡朝卿陳
大勇額設千總木耳甲行營千總阿多澤旺行營
把總阿忒鄉勇李含春候補經歷劉遷俱著賞戴
藍翎通判伍文森著賞給知州銜以示鼓勵

二十七日

已

額勒登保奏言竊

臣

帶兵趕抵西

和探得前竄秦州高橋之賊不敢闌入東北甘
省大路折向徽縣之麻沿河紅渠舖等處山僻

小徑連夜奔逸，躡淺竄過白水江。維時岱森保、楊遇春等亦帶兵來至西和，據稱於二月二十九日午後在兩當縣之二郎壩追及張添倫等。股竄匪該處係一深溝，兩面樹木叢雜，賊匪正攢集溝內。當經色玉慎噶拉帶領索倫馬隊官兵，搶上石面山梁格布舍傅陞帶領吉林馬兵，搶上左面山包岱森保與楊遇春同副將對

伸喜明等帶兵由溝內直入該匪等亦卽分佔
山包初不知兩面已有官兵格布舍等兩面下
壓賊又奔入溝內岱森保等率兵衝擊賊匪一
面抵拒一面狂奔我兵合力追殺至初更時共
斃賊二百餘名生擒一百七十三名割獻首級
內令活賊認出賊目一名李魁惟委護軍叅領
玉舒委防禦邁珠委署驍騎校呼爾泰均因衝

入賊隊力戰陣亡岱森保等又復連日緊追直至鳳縣地界該匪等已竄深山因接臣檄飭趕

緊卽由鳳縣僱程折回西和縣屬小川子會合

查此時各股賊匪被剿情急先後竄入陝界在

甘者惟高二馬五一股那彥成帶有馬步兵勇

五千餘名剿辦當可得手又宕昌西南漸近川

省之松潘龍安邊境該二處雖早經嚴防但恐

賊匪狂奔莫定萬一分股闖入查慶成現在那

彥成一路臣已札致預備酌撥官兵卽令慶成

帶領截擊至陝中鎮安五郎等處本有賊匪而

目下又有自甘竄往之賊雖恒瑞已帶兵前至

商維亦祇能顧住東南此時臣自應赴陝察看

何處緊要先往何處截剿疊據探報畧陽之北

黑河一帶現有賊匪屯聚因卽督兵徑趨畧陽

茲於十九日已抵該縣境內離黑河尚有二百餘里卽償程進剿惟是該匪等輾轉逃遁原無一定趨向查陝甘提鎮惟新授甘州提督楊遇春隨臣帶兵已久打仗勇往剿賊時或有須分路之處該員尚能獨自領兵一路其王文雄索費英阿長春札勒杭阿汪政關騰均在陝甘界上現已札商長麟會同該提鎮等酌定分起堵

剿至陝甘兩省地方本係犬牙相錯所有應行
防堵之處亦不必各分畛域竟當合陝甘現留
防堵之兵通同布置言兵不足并卽添設鄉勇
總期截堵賊匪不任往來自如設有疎縱卽嚴
叅重治其罪再現在剿賊之地多在荒山僻路

軍營信息最關緊要

臣

已知會各該督撫轉飭

各州縣務須不惜小費添設塘馬健夫如道路

有阻亦必設法繞道遞送俾各路軍書捷報迅
速可到

臣

得藉以調度於師行更有裨益奏入

上命軍機大臣傳諭額勒登保長麟曰此次額勒登
保帶兵赴陝相機剿辦所見甚是與前降諭旨相
合惟帶兵過少竟未通盤籌畫豈因兵少賊多不
能痛剿卽任賊匪到處奔竄乎額勒登保德楞泰
二人平日帶兵俱屬奮勉而額勒登保尤爲操守

清廉奮勇出衆是以特加委任用爲經畧乃近日
德楞泰帶兵赴川西剿辦旬日之間三奏捷音擒
獲首犯多名而額勒登保帶兵赴甘後未能大有
克捷總覺遲緩現在賊匪由甘竄回陝境惟岱森
保等殺賊二百餘名並未見額勒登保痛殲賊衆
其奮勇出力之處何竟遠遜於德楞泰耶此時額
勒登保一路與岱森保等會合總計兵勇亦止四

千餘名自不敷剿賊之用額勒登保應一面札知那彥成將伊一路所帶之兵酌分一二千名又前此陸續派調黔兵六千名原令以三千名交勒保帶往川北以三千名交李紹祖阿哈保帶赴陝省但黔省官兵未能一時全到而川北川西尚有應剿之賊額勒登保可飛咨德楞額泰催令將黔兵先撥一二千名派阿哈保帶領迅速赴陝以資剿辦

額勒登保此時在陝帶兵督剿卽應在該省運籌
派調謀定而戰務期將各股之賊就地殲除不可
因他處或有零星賊匪又復輒離陝境致賊匪得
以乘間逃逸爲要上年額勒登保等曾奏稱欲於
年底辦竣本年奏到之摺又屢稱趁賊匪窮蹙青
黃不接無從掠食之時上緊剿盡今春令又已將
竟轉瞬盛夏麥收在卽賊匪又可肆行掠搶且氣

身三十一卷之三十一
三十一
候漸蒸雨水浸盛剗辨尤爲費力額勒登保寧不
籌及全局亟思迅掃賊氛乎朕現在涼陰籌辦軍
務宵旰靡寧以期仰副

皇考付託之重每於軍營報捷敬告

山陵仰祈

鑒佑若大功一日不竣則

皇考在天之靈仍刻不能慰朕心焦切尤一刻難安頌

勒登保等寧不思全朕之孝抒已之忠乎且卽以私情而論各路帶兵大員等數年于役自必思大
功速歲早日勞還孰無父母不思慰問耶況自上
年至今朕若不添一兵不增一餉難責帶兵大臣
等歲功迅速而朕一年以來所發之帑又已逾千
萬節次添調之盛京吉林山東山西貴州等省之
兵不下數萬復經屢諭各督撫添募鄉勇又不下

數萬並不待伊等奏請卽先行調發如此兵多餉足尚有何詞可以藉口且各股賊匪甚多若朕必欲將賊匪槩行殲戮自難一一駢誅而朕節降剿撫兼施之旨不啻至再至三卽賊首投出者尙可寬其一綫亦並未責伊等以事勢所難乃帶兵大員等旣不能認真剿辦又不能實力招撫豈將聽賊匪自行滅亡耶至摺內稱陝甘地方本係卡牙

相錯應行防堵之處不必各分畛域又軍營信息最關緊要各地方官總未能依限馳遞等語行軍剿賊必須併力一心方可期所向克捷如果仔防堵之責者實力嚴防一遇賊匪闖入不拘何路相近卽合力會剿焉有賊不卽平之理至軍營文報片刻難以稽遲何至地方官有未能依限馳遞之事總由地方文武未能彼此精神貫注以至軍機

不能應手看來額勒登保與那彥成二人和衷共濟此外文武大員尙未能一乃心力卽如長麟係陝甘總督前因大兵在甘境剿賊該督駐紮鞏昌經理糧餉等事今甘境之賊多已折回陝境長麟不可專以甘省糧餉爲詞竟置陝省全局於不顧況派調兵勇防守地方等事皆係總督分內所應辦者長麟惟當一切與額勒登保等互相關會熟

籌安辦彼此總屬一事其甘省糧餉事務或酌委
大員督辦亦無不可不必專駐鞏昌轉致不能兼
顧至軍營文報尤當督飭地方官上緊馳遞若再
有延悞致額勒登保有呼應不靈之處卽行嚴叅
治罪決不寬貸所有在二郎壩打仗陣亡之委護
軍叅領玉舒委防禦邁珠委署驍騎校呼爾泰均
著咨部賜卹

二十九日

辛巳

魁倫奏言查嘉陵江西面賊匪自

德楞泰擒獲首逆陳得俸再添元後餘匪向劍

州一帶奔竄連日探得德楞泰由劍州南部一

路追勦十三日復獲勝仗擒殲甚多貴州總兵

施縉帶領黔兵於十五日齊到金山驛卽經德

楞泰札令赴潼川駐紮以資合力堵勦

臣

恐賊

匪勢急搶渡潼河而河之上遊彰明江油等處

淺灘最多是以仍駐金山驛適中之地爲沿河
上下左右往來策應其潼川以下派令建昌道
劉清策勵鄉團各勇防守會同前派防守潼川
之叅將馮元防守射洪之叅將秦廷玉防守太
和鎮之遊擊王之鑑都司睦隆阿等各領所帶
兵丁嚴密防範臣復添兵四百名統交遊擊鄭
啟貴前往駐防原擬數路兜截逼至合州一帶

歸於絕地以期殲滅該匪等因勢蹙窮奔節據
地方官稟報二十四等日賊匪竄至蒼溪縣
屬之石鑑窩及昭化縣屬之虎跳等處地方窺
伺搶渡均因該處水深且鄉勇等隔江鎗礮並
發未得徑渡十九日申刻接據建昌道劉清稟
報賊匪於十八日由石梁子翻山三更時在太
和鎮上游八里之王家嘴西灘渡河兵勇力單

不能堵禦太和鎮已被焚燒又據太和鎮通判
連彭年稟稱該倖督同鄉勇抵禦被賊矛傷右
腿効力之從九品仇允誥現無下落各等語勒

保正於是日酉刻到金山驛與

臣

會商查金山

驛至太和鎮共有二百五十餘里隨一面飛札

施紹令其就近先由潼川帶兵迅速前往截擊

臣

一面將潼河上游離賊稍遠地方前派防兵

酌撤繼進臣與勒保帶領臣營現有兵勇卽於

二十日星馳取道中江一帶迎頭截擊並派前

駐江油彰明防守之副將託雲泰就近撤回兵

勇合之新調土兵現抵省城者約有千名均赴

新店子趙家渡一帶防堵以遏賊匪竄省之路

至渡河賊匪勢本窮感自富趕緊殄滅不致蔓

延惟是臣自賊匪竄渡嘉陵江後屢次窺伺潼

河均經隨時擊退而自江浦以至合州千有餘里處處有淺可涉臣刻刻隄防時深畏懼今賊

匪竟至渡河臣疎忽貽悞之處更有何辭惟求

皇上將臣從重治罪臣此時惟有會同勒保竭盡心

力奮勉殺賊以期迅就殲除保護川西稍贖愆

尤於萬一

同日勒保奏言臣行抵廣元正值賊匪在劍州

南部各境內滋擾聞施縉所帶頭起黔兵三千名已到金山驛是以咨明魁倫卽令施縉由梓

潼一路前來與臣會合以便就近分投剿賊嗣

准札覆此項官兵已經德楞泰調回潼川暫行

駐劄臣因該處正關緊要不敢拘泥前奏卽知

會停止一面星夜前進十九日酉刻行抵金山

驛與魁倫會晤據稱適接建昌道劉清等稟報

賊匪已於十八日三更在太和鎮上游王家嘴灘口晒淺渡河焚掠竊思潼河爲川省西南保障而太和鎮距省較近臣當與魁倫商酌必須

趕緊迎擊使其無暇裹脅並保護完善之區不致多被蹂躪查金山驛距太和鎮二百數十里是以先行飛咨施縉就近由潼川偵探賊蹤相機截剿臣卽會同魁倫由金山驛馳赴中江一

帶督同施縉併力剿辦以期剋日殲除

同日阿迪斯奏言竊

臣世受

國恩最爲深重荷蒙

皇上眷念

臣父阿桂稠疊

恩施每逾格外感激難名捐糜莫報正當勉矢愚誠
以盡犬馬報

主之情奈左腿素已殘廢向來當差雖形竭蹶尚可

勉強供職不意於去冬染患寒濕筋脉拘攣漸
形短縮步履艱難不能騎馬現當軍務喫緊之
時本省將軍員缺最關緊要非殘疾者所能勝
任若再遷延隱匿則罪戾愈重再四思惟難容
戀棧惟有仰懇

天恩卽予斥革以重職任無任悚惶恐懼之至均奏

入

上命軍機大臣傳諭勒保曰前此賊匪倫渡嘉陵江
西岸後賴有潼河爲之攔阻賊匪不能肆竄節次
降旨令魁倫嚴密防堵使賊匪東扼嘉陵江西阻
潼河自投絕地可期一鼓撲滅並以此係魁倫生
死關頭諄諄訓諭至再至三昨因德楞泰連獲勝
仗擒獲首逆而魁倫防守潼河尙能持以鎮靜稍
有微勞加恩將魁倫以三品頂帶仍留總督本任

其不能防守嘉陵江之罪卽以此示懲不必交部
嚴議詎料魁倫竟無造化不能承恩又任賊匪竄
過潼河其罪甚重不特朕不能曲加寬宥卽魁倫
自問更有何顏對朕其自請從重治罪不待言矣
上年因勒保明亮遷延貽悞先後拏問治罪授額
勒登保爲經畧用魁倫爲四川總督原冀其奮勉
立功速平逆匪乃額勒登保因川賊竄至甘境帶

兵赴剿將川北剿賊之事交與魁倫以致川北賊
匿之賊探知經畧已離該處卽乘間突出搶渡嘉
陵江西岸魁倫當額勒登保交代時如自揣不能
勝任卽應留額勒登保在彼或奏明另派他人接
手乃竟欣然樂從直任不辭而接辦以後復在達
州逗遛八日致賊匪從容逕渡雖防守嘉陵江鄉
勇查係福寧所撤但魁倫係本省總督於防堵事

宜漫無覺察不能妥爲布置致川西完善地方遭賊蹂躪已屬累無可追朕曲法待伊立功自贖已逾兩月有餘今又任聽賊匪竄過潼河情罪重大實屬首夥難辭勒保前任經畧時雖未能將川省賊匪痛殲然不致如此時之肆竄川西使繁庶之區遭賊慘毒是魁倫縱賊殃民之罪較之勒保更相懸絕魁倫卽著革職拏問前因川西賊匪已被

德楞泰節次痛剿首逆已擒卽可辦竣是以令勒保帶兵前赴川北今賊匪又竄過潼河甚關緊要魁倫業已罷斥治罪四川總督一時簡放乏人德楞泰雖打仗奮勇但辦理地方事務非其所能勒保前在貴州本有功勲嗣因其株守達州並不親自督兵剿賊而辦理地方事務尙無大過此次賊匪搶渡潼河係在勒保未到之前與伊無涉昨已

加恩授爲提督著仍以四品頂戴實授提督暫署
四川總督事務並將魁倫交與勒保遵照指出伊
貽悞情節嚴加審訊按律定擬具奏後不必解京
著卽派委妥員解赴成都省城交與先福董教增
監禁候旨至賊匪在太和鎮上游八里之王家嘴
躡灘渡河該處防守文武係屬何員不可不查明
嚴加懲辦前此知縣孫熙不能防堵嘉陵江尙可

以該處並無賊匪窺伺爲詞疎於防範然已重治其罪今大股賊匪在川西滋擾經德楞泰痛剿窮威刻思竄過潼河防堵正在萬緊之際乃玩忽若此其罪尤重勒保查出後卽將該員弁一面據實叅奏一面革職鎖拏嚴行定罪亦解往成都監禁候旨朕於刑名事件從不肯加重辦理但此等貽誤軍機之員非尋常罪犯可比必當從嚴懲治以

肅軍紀再魁倫摺內稱滇川以下係派建昌道劉
清防守劉清居官聲名甚好是以加恩不次擢用
今任聽賊匪竄渡實有應得之罪若王家嘴地方
係劉清防守亦當革職拏問審明定擬解往省城
監禁若止係統轄巡防亦應將伊革職交勒保仍
留該處防堵効力贖罪至魁倫摺內稱防守太和
鎮原派遊擊王之鑑都司睦隆阿等各帶兵丁在

彼嚴密防範著勒保先將此二人解任質訊如果
係伊二人縱賊渡河卽將王之鑑睦隆阿革職鎖
拏定罪解往成都監禁一併候旨辦理此時勒保
已由金山驛馳赴中江施縉所帶黔兵就近早至
潼川勒保卽可督同施縉上緊剿辦此股竄過潼
河賊匪施縉係向隨勒保帶兵之人新到黔兵又
皆係生力以之剿辦自更得手勒保經朕此次格

外加恩既授提督又署總督惟當倍加感奮設法
兜截務將竄匪在潼河以西迅速殲除即使勒保
不能將賊匪全行殲盡亦當逼回潼河東岸不可
令其再向西南奔竄逼近成都倘稍有遲延則賊
匪裹脅日多糧食充裕辦理更爲棘手現命勒保
署理總督川省皆其所屬如再任賊匪到處蔓延
則勒保不能辭責矣至德楞泰在江油一帶距王

家嘴搶渡地方想道里尙遠現在川西尙有奔竄之賊正須乘勝痛殲所有嘉陵江以西之賊著責成德楞泰剿辦其潼河以西之賊責成勒保剿辦以期迅速肅事朕惟計日以盼捷音之至其川北地方零星賊匪著勒保與德楞泰會商派令鎮將酌帶兵力前往剿除如能將川北賊匪辦竣該鎮將等卽可統原帶之兵赴陝協剿也本日據阿迪

斯泰左腿素已殘廢去冬染患寒濕步履艱難懇
請卹予斥革等語阿迪斯自去歲到川株守大寧
種種玩悞經朕節次嚴飭自知獲咎已重並接到
魁倫令伊剿辦川北賊匪知會心懷懼怯故爾具
摺懇請斥革以遂其避賊之計實屬喪心昧良可
惡之至阿迪斯著革職拏問並已降旨令勒保將
阿迪斯提赴軍營詰訊如阿迪斯此時已提到川

西卽著勒保就近將以上指出情節嚴行訊問伊
係何日接到魁倫知會何以姑稱腿疾飾詞具奏
令其據實登答若不肯承認請有魁倫咨文可憑
卽向阿迪斯追出咨文按其日月指出詰問前此
魁倫飛咨阿迪斯帶兵剿賊奏片係三月十一日
拜發本日阿迪斯之摺係三月十八日拜發自早
已接到魁倫咨文阿迪斯更無從掩飾審明定擬

後將阿迪斯解赴成都監禁候旨若阿迪斯尙在川北地方卽著托津遵照此旨將阿迪斯提至達州審明定擬後卽在達州監禁候旨此一節並論托津知之

上又命軍機大臣傳諭額勒登保曰自教匪滋事以來迄今四載有餘總未蕪事從前督兵大員如勒保明亮等皆係

皇考任用之人彼時軍營奏報輒皆虛謊之詞伊等因皇考聖壽過高藉稱仰慰

聖懷總以大功即可告竣敷衍搪塞各軍營相率效尤而和珅又從中歷擱朦蔽以致因循貽悞未能速奏蕩平自朕親政以來稔知軍營積習力加懲創將勒保明亮等先後擊問治罪授額勒登保爲經畧用邁倫爲四川總督乃額勒登保因川匪竄往

陝甘帶兵冒昧離川將剿賊之事交與魁倫辦理
致竄匿川北之賊聞知經畧赴甘乘間搶渡嘉陵
江西岸額勒登保實不能辭咎魁倫接辦川省軍
務若自揣不能勝任自應留額勒登保在川否則
請派他人剿辦乃竟直任不辭既藉調兵爲名在
達州逗遛八日復於嘉陵江防堵事宜漫無籌備
任聽賊匪搶渡川西屢經飭諭以防守潼河係魁

倫生死關鍵今又不能防堵嚴密復任賊匪倫渡
潼河使川西完善地方遭賊蹂躪而德楞泰前功
盡棄是魁倫縱賊殃民之罪較之勒保更相懸絕
而朕知人之明遠不逮

皇考惟引以爲咎若不將魁倫從重治罪是朕於

皇考任用之人從嚴辦理而於朕所特用者轉有意從
寬豈不自行迴護耶是以將魁倫革職拏問交勒

保審訊按律問擬復念勒保在貴州本有功勳上年任經畧時雖株守達州不能親身督剿而川省賊匪尙不敢肆行擾及川西且辦理地方事務尙無大過因格外加恩將勒保以四品頂戴實授提督兼署四川總督此朕不得已之苦心非於帶兵大員忽加譴責旋又擢用廢置直同兒戲也至阿丕斯係朕加恩用爲成都將軍伊到川以後卽在

大寧株守昨經魁倫咨令辦理川北賊匪阿迪斯
卽以腿疾爲詞懇請解任實屬喪心昧良現已革
職拏問豈因阿桂之子遂從寬貸乎辦賊機宜不
出剿堵二事若帶兵大員與本省督撫果能並力
同心任剿捕之責者奮力截擊任防堵之責者實
心嚴防使賊匪前有攔截後有追兵自無從逃竄
卽如長麟係陝甘總督一切防堵皆其專責况調

同日吳熊光奏言連日以來臣差探楚北賊匪

現聚竄房縣保康一帶又分股竄往宜城鄖縣

所屬地方東西相距遙遠江岸防兵本屬無多

勢難兼顧一時募兵亦緩不濟急臣卽就近多

團鄉勇分佈各扼要地方督率臬司完顏岱道

員陳鍾琛晝夜嚴密防範刻下江水增長再添

派員弁將江干南岸往來船筏等項槩行提禁

盡靠北岸行走停泊賊匪無從偷越至陝省江
北之賊現據探報已由山陽折回向洵陽屬之
金盆地方西竄并聞又有大股賊匪由棧道竄
入洋縣之華陽爲數甚衆峇陽境內亦有賊股
出沒等語臣查洋縣逆匪自係甘省官兵剿急
北竄之賊該處與洵陽相距不遠若再回東趨
與洵陽一股合夥賊數愈多難保其不折回滋

擾是豫省盧浙一帶邊防尤宜嚴密臣節經札

囑鎮臣田永桐常林等務宜察探賊蹤趨向董

率將備弁兵等小心防守不可以賊匪現距豫

省邊界稍遠遂存大意臣亦隨時察探情形何

處緊要卽馳往何處督同防範奏入

上命軍機大臣傳諭吳熊光曰楚北竄匪現聚房縣

保康一帶又分股竄往宜城鄖縣所屬地方其陝

省賊匪亦由山陽折向洵陽西竄並有大股賊匪
竄入洋縣地方卽畧陽境內亦有賊股出沒是豫
省西南兩路在在均關緊要吳熊光現飭多團鄉
勇防守江岸並令田永桐等在浙川盧氏一帶查
探巡防所辦甚是就目下情形而論楚省究有一
江可恃現當漢江水長之時賊匪固難偷越而防
範巡查亦不可稍存大意至川省賊匪雖現距豫

省邊境尚遠而山路多歧賊蹤無定豫省廬浙一帶尤不可不加意嚴防著吳熊光隨時察探情形督飭完顏岱等在襄江一帶嚴密巡查並令田永稠等於西連陝境地方確探賊蹤所向扼要防守川省可爲前車之鑒地方官往往疎懈於賊遠之時不可不知也

欽定剿平三省邪匪方略正編卷一百六十二年

庚申

三月二十九日

辛巳

松筠奏言

臣

日前與明亮先

後進抵襄陽當卽帶領兵勇由荊門州進剿適

聞賊匪竄近南漳遂改道前進途次復據河南

防江臬司完顏岱暨穀城縣知縣張紹銘稟報

賊匪竄至穀城之石花街逼臨江岸設搶渡北

竄或東趨襄陽均屬可慮

臣

當同明亮星速折

回卽派副將劉廷基先將沿江南岸船隻撤歸
北岸維時倭什布正在南漳跟蹤躡剿聞信趕
到隨合師向石花街一路迎擊嗣行抵茨河探
得石花街係第二股賊匪爲數不過千餘聞官
兵前來卽折竄保康山內至頭股賊匪經總兵
孫清元剿至南漳西北之趙家店新店等處約
計不下三千人勢欲由茨河偷渡過江以致該

處居民紛紛遷徙臣等派撥兵勇直前兜截該

匪卽向南漳方家堰一路奔突相距宜城甚近

查宜城路當孔道兼與荆門當陽等處境壤毗

連明亮卽先帶兵勇繞至宜城之小河口攔頭

遏剿賊匪退入蕭家堰報信坡一帶山內奔竄

復分遣黨與或三四十人五六十人各處潛肆

焚掠臣竊計官兵若分路追襲則賊人輾轉奔

突不特徒勞兵力且恐欲速反遲查總兵孫清
元王凱本各帶弁兵分起剿賊近因賊匪分竄
深山剿辦均未得手現飛檄該鎮等確探賊蹤
聯絡聲勢趕緊抄截明亮倭什布帶領兵勇從
劉家集蕭家堰舉家坪相機前進或分或合設
伏邀擊俟此股賊匪剋日殄除首逆就獲即可
以次蕩平其第三股賊匪約有二千前竄房縣

漳洛河遊擊蔣攀龍守備羅陞方化龍等督率
兵勇迎剿共殺賊二百餘人餘匪仍卽分竄入
山現已嚴飭各州縣不分畛域多集鄉勇酌給
口糧四路堵截毋任肆竄並飭地方官如能購
線生擒首逆設法解散夥匪立卽奏明越級陞
用倘不實力奉行定卽嚴行叅辦賊匪所恃者
奔竄山谷裹脅民人現在姜晟辦理招撫實於

剿捕有濟再查日前賊匪擾至保康攻撲縣城
署守備吳華把總王朝綱衝敵陣亡知縣楊開
鏡率同兵勇竭力擊退實屬奮勉又南漳縣義
首行營千總職銜徐登鰲連年帶勇剿賊屢著
勞績而家產亦因捐助義勇賠墊殆盡昨據報
被賊戕害情形頗慘因卽酌量賞卹臣因病後
氣虛旬餘帶兵未能痛剿賊匪日夜焦急雖乘

坐竹兜行走精神尙覺難支茲於二十二日將
所帶官兵俱交明亮倭什布統領趕緊剿辦臣

暫在南漳稍爲憩息以期速就復元力圖報効
至明亮馭將勵兵均極諳練臣自問遠不能及

且其前在湖北威名頗著臣若仍督辦在前徒
擁虛聲轉非所以仰體

聖主慎重軍旅之意應請

旨專交明亮統領辦理庶事權歸一呼應皆靈兼有
倭什布熟悉地方協同布置必能迅蕙事功並
仰懇

聖慈在臣入覲

天顏所有平賊一切事宜及各地方官民兵勇情形
皆可面承

垂詢條晰敷陳再正在拜摺間據防守鄖西道員恒

慶稟稱陝省賊匪現竄洵陽竹筒河灌家河地方人數衆多逼近鄖西邊界該縣各卡防堵兵勇無多恐有闖入懇祈飛咨陝省迅速撥兵抄截遏其東竄等語查鄖西與陝省洵陽鎮安境壤毗連自東西川以至朝陽溝牛心石一帶綿長數百里卡隘繁多該縣僅有兵勇二千三百餘名殊不足恃除飛咨恒瑞台布速卽撥兵抄

剿免賊東竄外仍嚴飭該道並鄖陽府知府王
正常查看情形於緊急卡隘添募鄉勇酌給口
食設法鼓勵盡心堵禦毋稍疎懈並飭該道府
就近剴切曉諭鄖西一帶百姓現在房保南漳
竄匪不日掃除即可發師入陝剿辦該居民等
自必鎮定而賊匪聞風亦可斂跡奏入

上命軍機大臣傳諭松筠曰松筠既因病不能帶兵

所有剿堵各事宜自當交付明亮倭什布趕緊籌辦以專責成松筠著准其來京陛見但此時天氣漸熱伊病軀虛弱難以適行著自行酌量如精神尙可支持卽按站前來否則竟可緩程行走或於經過河南直隸府縣地方暫行小駐調養就痊再行進京亦無不可

上又命軍機大臣傳諭明亮曰楚省竄匪爲數尙多

倭什布節次所奏未爲確實松筠現因患病不能帶兵截剿奏請來京業已准行所有湖北剿賊各事責成明亮與倭什布會商妥辦倭什布在楚有年地方情形尙爲熟悉而明亮久歷戎行於籌剿機宜更爲諳練此後剿賊之事專交明亮督辦其防堵卡隘並圍截竄匪等事專交倭什布辦理至本日松筠奏到之摺明亮並未列銜自以伊係金

頂領催不敢列入明亮著加恩授爲藍翎侍衛領
隊大臣楚省軍務一切情形俱著隨時奏報列銜
在倭什布之前明亮務當悉心籌畫不可仍前委
卸朕於軍營賞罰絲毫不肯寬假如魁倫係朕特
用四川總督旣經貽誤卽立予嚴辦明亮經朕復
加委用若能殺賊立功朕必更加懋賞若不實心
出力則是旣負

皇考簡用之恩又負朕宥罪施恩之意魁倫卽其榜樣
惟當激發天良實心剿賊俟湖北全境肅清明亮
再將得勝之兵移赴陝省協同剿辦現在湖北分
竄賊股尙多如前調湖南兵一千名弘豐所帶之
兵五百名合之原有兵勇已足敷用卽可不必添
調倘賊多兵少仍須酌量增添前已降旨諭令吉
慶謝啟昆等將廣西各營兵丁內挑選二千名預

備各處調用該處已派將弁等管領聽候調撥明
亮倭什布察看情形如果實在需用卽行飛咨粵
西將此項兵丁星速調赴軍營剿賊總期將各股
賊匪卽在楚省趕緊辦竣再松筠所奏守備吳華
把總王朝綱在保康縣境殺賊陣亡一節吳華王
朝綱俱著咨部賜卹又南漳縣義首行營千總職
銜徐登鰲帶勇剿賊屢著勞績今被賊戕害著一

併咨部議卹

三十日

壬午

合布奏言竊

臣

前因甘匪竄近畧陽

當卽帶領鄉勇幫同王文雄相機剿辦詎該匪
等未至畧陽仍又折竄因囑王文雄移營官溝
口截其出路扎勒杭阿前往關山堽督率堵禦
長春移駐留壩保護糧臺臣仍一路查驗存貯
米石以備甘省勝兵來陝供支旋於二十日接

據署留壩同知汪銓從九昂雜昂稟報前股竄
匪已由九子溝三道河一帶擾至密確廠當飭
該署丞等隨同鎮臣長春設法攔截並知會王
文雄帶領官兵與臣會赴留壩長春卽於二十
日夜督同汪銓雜昂帶領兵勇四更時分直撲
賊營拋擲火彈斃賊數十名生擒三名昏黑之
際見賊衆過多乘間掣回復於次日令鄉勇首

會鳳等改裝暗藏火彈混入賊家俟至初更時
長春汪銓雒昂復帶兵勇前往會鳳等先在賊
佔屋內點放火彈兵勇吶喊攻撲鎗斃賊匪甚
多生擒九名賊衆四散奔逃兵勇以衆寡懸殊
未及追趕臣與王文雄先後馳至據該署丞等

將賊解送前來臣親提嚴訊內有任學榮一名

係上年臘月被賊裹脅爲賊煮飯據供此股賊

首名張二彪有一千餘人另有張世澆戴掌櫃
領有八千餘人與張二彪時分時合本想直奔
漢中因探知官兵由漢中前來所以翻過山梁
走窑碓廠想要到華陽二郎壩去我聽見鎗聲
知有官兵思量逃走回家猝被拿住等語臣查
此股賊匪本因甘省痛剿捨命狂奔但人數較
多既往華陽一帶距城因洋縣甚近不可不嚴

加堵截

臣

與王文雄商議該提督仍帶原來兵

勇赴城洋地界擇要遏截留壩現有長春官兵

及汪銓等所練鄉勇足資守禦

臣

亦適回漢中

緊顧平原完善之地所有獲賊十二名俱已分

別辦理釋放至南山伍家營川匪屢思東竄經

官兵與鄖西鄉勇截回

臣

接據鄖西縣知縣孔

繼爵稟報殺彼時因劉之仁病尚未愈國霖柯

藩亦尙未到正資勸省鄉勇之力自應加之鼓
勵酌賞銀一千兩委員賚交孔繼樞代爲分賞
現在劉之仁病已全痊柯藩國霖亦於十四十
七等日均到鎮安恒瑞於十九日進大峪口約
計此時亦已到鎮臣查伍家營一股總在鎮安
迤東未能竄出楚豫楊開甲冉學勝一股又未
竄過鎮安實是極好機會此時甘省竄回道往

華陽一股若亦往東合夥有額勒登保乘勝追
蹙正與逼入南山於陝省剿淨之

諭符合成功當在指顧矣

台布又奏言

臣奉

命督辦糧餉事事總求覈實絲毫不敢虛費現據各

路鎮將造具兵勇實冊呈核前來

臣

查西安漢

中兩軍需局應發之項以及各州縣鄉勇核算

一月餉銀已應四十餘萬現在經界額勒登保
乘勝前來統計一月總須五十萬有奇始敷支
放此時軍務大局東有將軍恒瑞等固住楚豫
門戶南有王文雄等固住漢中平原崧外又有
觀祥索費英河等帶領馬步梭巡堵禦屢奉

諭旨陝省之賊卽於陝省剿淨四面兜圍

臣 荷蒙

委任益當趕緊籌畫伏念陝省請餉奏准撥給後往

往五十餘日始能解到因而前缺後空不能按
時關發當此機會最好之時必須早爲儲備應
請

勅部再撥銀二百萬兩迅解來陝探明何處緊要星
卽專員馳送以期事事順利迅速成功再臣思

官兵鹽菜鄉勇口食以及採買價值應用銀兩
俱有一定樵糧石軍火運脚多行一日卽多一

日之費從前原因各處村落未有寨堡不敢間
段存貯今山內東面民寨整齊已可寄放而近

棧州縣沿途仍無大堡臣自行抵漢中及近日

往來襄西留壩等處留心察看自以趕築大堡
存貯米麥火藥減省運脚爲目前第一要務因
於寶雞之黃牛鋪鳳縣之草涼驛三岔驛留壩
之南星武關褒城之馬道寧羌之大安黃壩等

驛勸諭居民趕築大堡務須堅固結實預備存貯糧石等項其有民力不敷者量爲資助勒限完工擬將採買糧石均勻分貯酌派投効各員前往駐紮守護大兵行近何處卽於何處就近供應以省隨營跟運腳費似亦樽節之一道至各該處俱係逼近賊氛現今築堡團聚一處善良者捐貲任事正可各保室家游惰者應募趨

工亦可稽查約束不至被賊褻脅雖參用民力
實以工代賑之法臣亦面諭各員善體此意剴
切勸諭將來工竣授義首及頭人等如有超眾
出賃出力者仍當據實查奏請

旨加恩

同日長麟奏言臣接據差探稟報額勒登保所

追賊匪已經竄出甘境額勒登保當卽躡蹤赴

陝那彥成現在西固一帶督兵追剿查各路大
兵先後出境甘省僅有那彥成及廣厚兩路官
兵鞏昌軍需局內事務無多儘可委員接辦

臣

自應親赴秦州徽縣兩當一帶籌辦邊防堵禦
事宜刻卽起身前往惟堵禦必藉兵力而率領
尤需大員甘省除前調征兵外實再無可酌調
之兵至領兵大員現在甘省不惟提鎮無人卽

將備亦經先後調赴軍營而廣厚所帶官兵目
下仍在那彥成後路接應亦不能卽行撤回防

守邊隅惟有原任提

臣

吉蘭泰鎮

臣

汪啟所帶

兵勇可以酌留在甘防守而吉蘭泰又經台布
調赴陝西查額勒登保那彥成日內均可追剿
赴陝且陝西已有恒瑞帶兵先往並有提

臣王

文雄鎮臣額勒亨額劉之仁慶海索費英阿觀

祥及副都統國霖臬司溫承惠等各路官兵足
敷剿辦曰可無須吉蘭泰赴陝協剿

臣

巴飛咨

額勒登保那彥成台布察看情形如陝西已可
無需吉蘭泰卽令其帶兵仍回甘省先資堵禦
俟那彥成大兵一出甘境卽飛調廣厚所帶官
兵前赴邊隘協同防守惟是甘省界連川陝隘
口較多以六千舊兵佈置士有餘處兵力旣未

免較單而新募兵丁原係以糧代賑尙須教演
亦難驟期得力總須相度山形地勢安設卡寨
使之聲氣聯絡彼此均能接應庶勢如堅壁而
防堵乃克有功然隘口卡寨旣多僅恃吉蘭泰
廣厚二人尙恐鞭長莫及臣已咨商額勒登保
等如能派柯藩汪啟各帶所有官兵迅赴陝甘
交界地方協同堵禦尤爲得力並查有涼州副

都統和興額久歷戎行人亦明幹該處現無緊要事件亦可調赴陝省邊界卽令其帶領綠營

官兵協同防守

臣

亦已飛咨囑其輕騎滅從迅

赴秦州徽兩一帶與

臣

面商辦理將來調集官

兵後俾甘省邊界處處嚴密則完固一省卽省一省追剿之力似於軍務較爲有裨均奏入

命軍機大臣傳諭額勒登保那彥成長麟台布曰

甘省各股賊匪在陝境往來竄擾台布等並未能
痛加殲戮剿淨一股而摺內輒以各股賊匪若竄
合一處正可乘勢逼剿成功在卽爲言竟成虛詞
套語朕初閱此摺卽知其意係欲爲請撥餉銀地
步及再閱次摺果以合計各路兵勇實數懇請酌
撥餉項具奏不出朕之所料官兵剿賊自需餉銀
接濟朕亦何嘗稍有吝惜自辦理軍務數年以來

各路撥發部庫銀兩已不下七千餘萬上年朕親
政以後又撥給銀一千餘萬並有不待伊等奏請
卽預爲撥給者通計所發餉項及各省協撥銀兩
不下萬萬而各路帶兵大員等惟事東追西逐帶
兵者既不認真剿殺守土者又不實力防堵一任
賊匪輾轉奔竄日久稽誅似此因循玩愒卽再有
六七千萬餉銀發給伊等亦不過坐食虛糜賊匪

何日得平朕近聞由甘窻回陝境之賊時往時來
肆行滋擾東則黃牛鋪草涼驛五星臺等處屋宇
被焚居民戕害者相望於道西則九子溝瓦房壩
陳倉溝等處亦多焚掠賊匪約有五六千人每日
報馬數十搜山捉人裹糧搶商山中居民分投奔
散傷心慘目有不忍言而各路官兵並未追捕一
任賊匪盤踞山岔險要餉運文報以及商旅皆有

梗阻其帶兵官員惟以兵勇俱係湊集不便以少
擊衆藉詞推諉以致有賊處無兵有兵處無賊豈
不又蹈從前軍營積習乃伊等節次奏報之摺尙
稱設法兜剿實力堵截可見全屬虛謊殊不可信
卽如陝省帶兵官員慶溥溫承惠尙能打仗殺賊
不過賊至則剿賊去仍復駐守至王文雄柯藩額
勒亨額等近日總未見伊等打仗一次而額勒亨

額尤不出力額勒登保身爲經畧陝甘川楚剿賊
之事皆伊統轄現在陝境將領總應在經畧大營
聽候調派何得僅以防守地方爲詞竟不向有賊
處分剿著額勒登保將各路防守大員如王文雄
柯藩額勒亨額愛星阿劉之仁觀祥索費英阿扎
勒杭阿長春慶溥等查明現係防守何處如地當
要隘不能分身自當仍留防守如並非必不可離

之地卽將該鎮將等調赴經畧大營派令剿賊如
有虛言推却不聽調度者卽行傳旨鎖拿解京正
法此內如王文雄溫承惠係本省文武大員尙可
云防守爲重至其餘各員皆無守土之責何得藉
詞防堵並不帶兵打仗朕僅念軍務宵旰焦切雖
夢寐之間無不時縈懷抱卽如昨日戌初遞到台
布摺報朕當加披閱直至戌末始畢而軍機大臣

等亦因等候軍報自朝至暮卽太管衙門亦無暇
親往而家事竟全不能顧若軍管帶兵大員皆能
體朕之勞心焦思認真籌畫豈有不能將賊匪辦
竣之理茲特再行明白申諭經畧額勒登保叅贊
那彥成總督長麟巡撫台布等將陝甘剿賊之事
通盤籌畫必須如何布置何時始能辦竣爲一舉
成功之計辦賊無過兵餉二端此時各省所調官

兵爲數不少若有須添兵力遠省則緩不濟急自
不如卽在本省多募鄉勇以資協助伊等若以添
募鄉勇必須多添餉項亦無可吝惜與其遷延時
日而費多不如併力一舉而費省現據台布奏陝
省軍營每月需用銀五十萬兩今已照數撥給一
月餉銀令於部庫撥銀五十萬兩迅速解陝伊等
如果能熟籌妥辦將賊匪於一二月速行剿淨卽

每月再寬爲發給亦無不可但必須確有把握方
不至徒糜帑項並著額勒登保那彥成等接奉此
旨自定期限並將每日在何處剿辦何股賊匪及
在途日行若十里因何事停住開具節畧隨報具
奏伊等經此番剴切訓諭之後若再不能同心併
力自踐其言復有延悞以致老師糜餉朕必執法
從事現在魁倫阿迪斯皆革職拿問卽前車之鑒

也至長麟前此駐紮鞏昌專辦甘省糧餉今甘省
賊數既少該督親赴秦州徽縣一帶督辦邊防堵
禦事宜不使賊匪復竄入甘所見尙是長麟既回
秦州其鞏昌存貯餉銀軍火等項應卽併入陝省
軍需局以資接濟至今吉蘭泰帶兵回甘防守一
事此人殊不可靠自不如廣厚之帶兵防堵素爲
得力至副都統和興頌朕素未知其人今既據奏

稱久歷戎行明幹可用卽令其與廣厚協同防守
長麟仍當隨時察看務令佈置嚴密勿使賊匪復
竄甘境其防守文武各員內如有不能認真出力
者卽行嚴叅示懲不得稍有姑息

上諭戶部曰著於部庫內撥銀五十萬兩迅速解往
陝西交台布收貯備用

同日台布又奏言臣因商南縣緝獲首逆高遇

春分遣勾結之劉學貴等潛謀從逆一案訊知
尚有黃金榜在外勾結當經嚴飭近峪州縣多
添幹役分投偵捕茲據署藍田縣知縣張瑗稟
報二月十五日在縣屬紅門寺隘口將逆犯黃
金榜盤獲十八日解赴省城經藩司台斐音署
臬司素納提訊該犯供認管領子子手一百八
十名屢與官兵打仗並受高遇春囑託往河南

浙川縣勾人入夥因在途積受饑寒痰壅氣喘
走至藍田縣紅門寺地方被獲各情該犯卽於
是夜在監病斃查黃金榜從賊已久始則抗拒
官兵繼又潛回勾結均係罪不容誅已轉飭兩
司卽將該犯屍首碎剉傳首商雒一帶號令示
衆奏入報

聞